

**Mahigugma sa Pagtungha sa Ginoo pinaagi sa Pagmintinar sa Paghigugma  
Nato Kaniya segun sa Tiunayng Kahulogan sa Awit sa Mga Awit**

Basahong Kasulatan: A. A. 1:2-4; 2:8-9; 3:9-10; 4:12-16; 6:10, 13; 7:11; 8:13-14

- I. Ang hisgotanan sa Awit sa Mga Awit, nga balak, mao ang kasaysayan sa gugma sa maayo kaayong kaminyoon, nga nagpadayag sa nagkauswag nga kasinatian sa mahigugmaong pakig-ambitayay sa tinagsang magtutuo kang Cristo aron maandam ang Iyang pangasaw-onon sa unom ka dagkong hugna—Bug. 19:7-9; Mat. 25:6-13; Bug. 3:18-22; Zac. 4:1-6, 11-14; 1 Juan 4:19; Sal. 110:3; 119:140:**
- A. Sa unang hugna sa Awit sa Mga Awit, gidani ang maghihigugma ni Cristo nga mopursigir Niya aron matagbaw (1:2—2:7); gusto sa Ginoo nga dunay personal, mabination, pribado, ug espirituhanong relasyon Niya ang nagtinguha Niya (1:2, 4); naa ning unang hugna sa madaogong kinabuhi sa matinguhaon ang tanang espirituhanong prinsipyo; dili bag-o ang nagsunod nga mga pagtulon-an, mga daan nga pagtulon-an hinuon kini nga lalom nga gisublisubli.
- B. Sa ikaduhang hugna sa Awit sa Mga Awit, gitawag ang maghihigugma ni Cristo aron mahigawas sa kaugalingon pinaagi sa pagkausa niya sa krus ni Cristo—2:8—3:5:
1. Naghisgot ang Awit sa Mga Awit 2:8-9 sa kalagsik sa pagkabanhaw; ning mga versiculoha gipakasama si Cristo sa lagsaw o sa nating osa nga “nagluksolukso sa kabukiran / Nag-ulo-iniktin sa kabungtoran”; nagpasabot ang kabukiran ug kabungtoran sa mga kalisdanan ug kaulangan, apan walay habog kaayo o dako ba kaayo nga makapugong sa nabanhawng Cristo; magtinguha ug makaila gyod unta ta sa nagluksolukso-sa-kabukiran ug nag-ulo-iniktin sa kabungtoran nga presensya ni Cristo.
  2. Nagsusi sa kaugalingon ang maghihigugma ni Cristo, nga nahimong pagpahilayo-gikan-sa-uban ingog bungbong nga nagpahilayo niya sa presensya ni Cristo (v. 9b); busa, gidasig siya ni Cristo nga mobangon ug mogula sa ubos niyang sitwasyon aron makig-uban Niya (vv. 10-13).
  3. Pinaagi man sa gahom sa pagkabanhaw, dili sa natural natong kinabuhi, nga kita, nga mga maghihigugma ni Cristo, gihimong makapahiuyon sa Iyang kamatayon sa pagkausa sa Iyang krus (vv. 14-15); sa nasagol nato nga espiritu makaambit ug makasinati ta sa pagkabanhaw ni Cristo, nga magpausa nato sa krus aron mahigawas sa kaugalingon ug matransporma nga mabag-ong tawo diha sa bag-ong kabuhatan sa Dios aron matuman ang pamatigayon sa Dios diha sa pagtukod sa organicong Lawas ni Cristo (Rom. 8:2, 4, 29; Gal. 6:15; 2 Cor. 5:17).
- C. Sa ikatulong hugna sa Awit sa Mga Awit, gitawag ang maghihigugma ni Cristo nga magkinabuhi sa pagkayab ingon nga bag-ong binuhat diha sa pagkabanhaw—3:6—5:1:
1. Ang pagkinabuhi sa pagkayab mao ang padayong pagkinabuhi diha sa atong espiritu; kon magkinabuhi ta sa atong espiritu, madugtong ta sa nikayab nga Cristo nga naa sa mga langit—Efe. 2:22; Gen. 28:12-17; Juan 1:51; Bug. 4:1-2; Heb. 4:12, 16 ug nota 1.
  2. Pinaagi sa nagtranspormang buhat sa Espiritu sa sulod nato, mahimo tang sudlanan ni Cristo nga naglihok, ang karwahe ni Cristo, ang “sakyanan” ni

- Cristo, alang sa lihok ni Cristo diha sa ug alang sa Lawas ni Cristo—A. A. 3:9-10; itandi sa 2 Cor. 2:12-17.
3. Gitukod ta pag-usab sa Diosnong Trinidad aron ang estruktura nato sa gawas mao ang nabanhaw ug nikayab nga pagka-tawo ni Jesus, ug ang dekorasyon nato sa sulod mao ang gugma nato alang sa Ginoo—A. A. 3:9-10.
  4. Tungod sa pagkinabuhi niya diha sa pagkayab ni Cristo ingon nga bag-ong binuhat diha sa pagkabanhaw, nahamtong ang maghihigugma ni Cristo diha sa kadato sa kinabuhi ni Cristo aron mahimo siyang tanaman ngadto ni Cristo alang sa pribadong pagpahimulos Niya (4:12-15); giandam siya nga mangalimyon sa kahumot ni Cristo sa bisan unsang sirkumstansya o palibot ba (v. 16).
- D. Sa ikaupat nga hugna sa Awit sa Mga Awit, labi pa kakusganong gitawag ang maghihigugma ni Cristo aron magkinabuhi sulod sa tabil pinaagi sa krus human sa pagkabanhaw—5:2—6:13:
1. Tungod sa pagkinabuhi sulod sa tabil, natransporma ang maghihigugma ni Cristo nga nalangitnong mga panon; naglantaw siya sama sa kadlawon, sama siya katahom sa Bulan, ug sama siya katin-aw sa Adlaw—v. 10.
  2. Sa pagkahamtong sa kinabuhi ni Cristo, nahimong Shulamitanhon ang maghihigugma ni Cristo (ang binabaye sa *Salomon*), nagtimaan nga nasama siya Niya sa kinabuhi, kinaiya, pagpadayag, ug kagamitan (apan dili sa ranggo sa pagka-Dios) isip hulad ug kopya ni Cristo nga mahiangay Niya aron mag-minyo sila—v. 13; 2 Cor. 3:18.
- E. Sa ikalimang hugna sa Awit sa Mga Awit, niambit ang maghihigugma ni Cristo sa buhat sa Ginoo—7:1-13:
1. Gipakita sa Awit sa Mga Awit 7:11 nga buot mobuhat ang maghihigugma ni Cristo uban sa iyang Hinigugma sa buhat nga alang sa tibuok kalibotan (kaumahan) pinaagi sa pagdumuluong sa usa ka dapit ngadto sa laing dapit (mopuyo sa kabalangayan); nagpakita kini nga dili siya mapundokpundokon sa pagbuhat sa buhat sa Ginoo; kanunay hinuon niyang gibuksan ang buhat, aron makaanha ug makadumuluong ang uban didto ug makaadto siya ug makadumuluong sa laing dapit; kini ang pagbaton og usa ka buhat diha sa usa ka Lawas.
  2. Ang pag-ambit sa buhat sa Ginoo pagbuhat man uban Niya (2 Cor. 6:1a); aron makabuhat uban Niya, gikinahanglan nato ang pagkahamtong sa kinabuhi, kinahanglang mausa ta sa Ginoo, ug alang gyod sa Iyang Lawas ang buhat nato (Col. 1:28-29; 1 Cor. 12:12-27).
  3. Nagbuhat ang Shulamitanhon isip kapikas ni Salomon, nangatiman sa tanang kaparasan (A. A 8:11), sa kaiglesiahan ug sa mga magtutuo sa tibuok yuta; duna gyod unta tay buhat nga alang sa tibuok kalibotan; kini ang gibuhat ni Pablo sa pag-establisar og mga iglesia lokal ug unya nagbuhat siya aron madala sila sa hingpit nga pagkaila sa Lawas ni Cristo (Rom. 16:1-24).
- F. Sa ikaunom nga hugna sa Awit sa Mga Awit, naglaom ang maghihigugma ni Cristo nga malalin (8:1-14); niabot siya gikan sa kamingawan (sa yutan-ong dapit) nga “nagpauraray sa iyang hinigugma” (v. 5):
1. Nagpasabot ang *nagpauraray sa iyang hinigugma* nga, sama ni Jacob, nahikap na ang piyakpiyak sa iyang bat-ang, ug nabatokan na sa Ginoo ang natural niyang kusog—Gen. 32:24-25.
  2. Nagpasabot sab ang *nagpauraray sa iyang hinigugma* nga nakaplagnan niya ang iyang kaugalingon nga giduot pag-ayo, ug morag moundang lang kini kon mahuman na ang panaw sa kamingawan—2 Cor. 1:8-9; 12:9-10; 13:3-4.

3. Gihangyo niya ang Iyang Hinigugma nga ibutang siya ingon nga timbre sa Iyang kasingkasing sa gugma ug ingon nga timbre sa Iyang bukton sa kusog; ning puntoha nasayod siya nga wala siyay mahimo, ug nakaamgo siya nga nag-agad ang tanan sa gugma ug nagpreserbang gahom sa Dios—A. A. 8:6-7.
4. Gihangyo sa maghihigugma ni Cristo Siya nga nagpuyo sulod sa mga magtutuo nga mga tanaman Niya nga padunggon siya sa Iyang tingog; nagpakita kini nga sa buhat nga gibuhad nato alang sa Ginoo nga atong Hinigugma, mintinahon gyod nato ang pakig-ambitay nato Kaniya, kanunayng mamati Niya—v. 13.

**II. Isip panghinapos nga pulong ning balaknong basahon, nag-ampo ang maghihigugma ni Cristo nga magdali pagbalik ang iyang Hinigugma diha sa gahom sa Iyang pagkabanhaw (lagsaw ug nating osa) aron ipahamutang ang tam-is ug matahom nga gingharian Niya (kabukiran sa mga igpahu-mot), nga molukop sa tibuok yuta—v. 14; Bug. 11:15; Dan. 2:35:**

- A. Nagpakita kanang pag-ampo sa pagkausa ug panag-ambitay tali ni Cristo nga Pamanhonon ug sa Iyang mga maghihigugma nga pangasaw-onon diha sa gugma nila sa kasal, sa paagi nga ang pag-ampo ni Juan, nga maghihigugma ni Cristo, isip panghinapos nga pulong sa Balaang Kasulatan, nagpadayag sa walay kataposang pamatigayon sa Dios kalabot ni Cristo ug sa iglesia diha sa diosnong gugma Niya—Bug. 22:20.
- B. “Inig-anhi Niya, matinuod na ang pagtuo, ug mapulihan na sa pagdayeg ang pag-ampo. Mahingpit ang gugma sa walay-landong nga pagkahingpit, ug mag-alagad ta Niya sa ginsakpang dapit nga walay sala. Unsa gyod kana nga adlaw! Ginoong Jesus, pagdali na sa pag-anhi!”—Watchman Nee, *The Collected Works of Watchman Nee*, vol. 23, “The Song of Songs,” p. 126.